



**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

§. I. Asseritur externum peccatum omissionis pro tempore quo ponitur.

[urn:nbn:de:hbz:466:1-74152](#)

fractia temporis: ergo adhuc est contra virtutem studiositatis. Respondeo. Caret debitā circumstantiā, carentiā ortā ab extrinseco, & ex motivo religiosis, concedo; carentiā ortā ab intrinseco & ex motivo studiositatis, nego anteced. & consequent.

2. Objicies secundō. Peccatum commissionis habet distinctam malitiam à peccato omissionis: sed studium, quo causatur omisso Sacri, est peccatum commissionis: ergo. Minor probatur: peccatum, quod opponitur praecepto negativo, est peccatum commissionis: sed studium praeceptum opponitur praecepto negativo non impediendi auditionem Sacri: ergo.

Resp. vel negando, vel gratis dist. maj. peccatum commissionis, in quo Tō commissio formaliter & moraliter accipitur, habet distinctam malitiam, transfat; in quo Tō commissio solum materialiter & physicē sumitur, nego: sed studium est peccatum commissionis Tō commissio solum accipiendo materialiter & physicē concedo; moraliter & formaliter, nego min. & consequentiam. Et ad probationem dist. maj. Peccatum, quod opponitur praecepto negativo formaliter & explicitē tali, concedo; praecepto negativo, quod implicitē includitur in affirmativo, & respicit motivum ejusdem virtutis, nego. Sed studium opponitur praecepto negativo non impediendi auditionem Sacri, ita ut hoc ipsum sit inclusum in affirmativo praecepto audiendi Sacrum, sitque proinde virtualiter affirmativum [nam hoc ipso quod aliquis actus praecepitur, implicitē prohibetur impedimenta ipsius] concedo; ita ut sit explicitē & formaliter tale, nempe ex speciali motivo distincte virtutis, nego minorem & consequentiam.

§. III.

Corollaria.

Colliges ex dictis primō. Per se loquendo, nullam esse obligationem, in confessione exprimendi actum, qui est causa omissionis culpabilis, quia nullum constituit peccatum specie, vel numero distinctum à peccato omissionis: sicuti propter ea neque actus externus nec internus sunt specialiter & distinctē exprimendi. Dixi tamen per se loquendo. Nam per accidentis esse potest obligatio primo: quando actus est ex objecto malus, ut si causa furandi Sacrum omittitur. Se-

cundō: si effectus ad actum, v.g. ad venandum est tantus, ut eius causa sis paratus quamlibet DEI legem transgredi; talis quippe effectus habet specialem repugnantiam cum virtute charitatis. Tertiō: Cum voluntati omittendi aliquod praeceptum, ipsa externa omisso non adsequatur: nam tunc voluntas sēpius omittendi est specialiter exprimenda, eō quod diversitas objecti aliam numero malitiam refundat in voluntatem omittendi, quā reperiatur in ipsa externa omissione. Ita si habuisset voluntatem totā septimanā omittendi Breviarium, & unā tantum die omisisti, debes utramque specialiter exprimere: sicuti qui habuissent propositum totā Quadragesimā comedendi carnes, & tantum primā Septimanā comedisset, propter numericam diversitatem malitiae actū interni & externi deberet utrumque distinctē exprimere. Quarto: Si actus omissioni conjunctus auferat potentiam etiam in posterum implendi praeceptum, propter quam impotentiā actū novam inducit malitiam: ut si nolens restituere rem alienam, illam hoc animo dilapidas: si, ne debeas in longa navigatione orare Breviarium, illud in aquam projicis. Dixi, in posterum; nam actus, qui observantiam praecepti tantum facit impossibilem de præsenti, exinde nullam specialem malitiam contrahit, cū non sit verisimile, quod protali tempore homo sit mutaturus suam voluntarem.

Colliges secundō. Illum, qui cum firma voluntate non audiendi Sacrum somno se daret paulo ante horam duodecimam, quā instat praeceptum illud audiendi, non peccaturum capiendo somnum: quia non est verisimile, intra tam modicum tempus mutare velle suum propositum. Ita Godoyus cum Suarez sc̄ct. 3.

Colliges tertīo. Si quis, obligatus ad restituendū, tuenda aliqua bona, datā operā illa distrahat, ne possit restituere, peccare per illam distractionem, quia reddi se impotentem ad praeceptum actum restitundi.

Colliges quartō. Si quis haberet votum studiendi eo tempore, quo domi non est occupatus, obligari ad studium, quando ex alio fine omittit audire Sacrum & domi remanet: quia supponitur possibilis & honesta actio studii, quæ ex omissione Sacri hic & nunc per accidentis conjuncta non vitiatur.

ARTICULUS II.

Quodnam fiat externum peccatum omissionis.

S U M M A R I A.

1. Externa omisso praecepit est culpabilis, manente potentia defendi ab alio impeditorio.
 2. Non est peccatum posse retractatam voluntatem, quā ponitur impotenta implendi praeceptum.
 3. Est peccatum, si voluntas non sit retractata non obstante impotentia servandi praeceptum.
 4. Authoritas S. D.
 5. Ratio triplex.
 6. Exponitur Clement, si furiosus.
 7. Quomodo omisso in se sit libera & peccaminosa?
- Rq. P. Mezg. Theol. Schol. Tom. II.

§. I.

Quaritur non de internā voluntate omittendi, sed de ipsa omissione externa, quæ est effectus

Bb 2 fectus

fectus & complementum voluntatis internæ.
De qua

Suppono primò. Peccari externo peccato omissionis, quo tempore urget obligatio præcepti, & non impletur, si post causam omissionis liberè posita adhuc est in parte omittentis, ut posset ab actu impeditivo operis præcepti desistere, & implere præceptum. Veluti cum quis tempore audiendi Sacrum dat operam ludo, renovationi, &c.

2. Suppono Secundo. Non peccari externo peccato omissionis, sed sola interna voluntate omittendi, quando prima voluntas omittendi fuit seriò retractata, & non est amplius in parte omittentis omissionem impedita. Ita si quis Clericus ex voluntate non recitandi Breviarium in itinere nautico Breviarium in aquas projecterit, & postea seriò dolet de tali projectione, sequens omissione Breviarii non amplius ipsi imputatur in culpam; siquidem per retractationem prima voluntatis abrumptitur moralis influxus voluntatis in illam omissionem, sicque definit esse voluntaria in causa. Unde status questionis est pro illo casu, quando quis liberè posuit causam omissionis, neque voluntatem omittendi retractavit, interea tamen ad implendum præceptum factus est impotens, v.g. per somnum aut ebrietatem, quā ligatur usus rationis, utrum peccet peccato omissionis non illo solùm tempore, quo liberè posuit causam omissionis, [de quo nullum est dubium] sed etiam quo omittit præceptum, quamvis illo tempore præceptum implere non possit?

3. CONCLUSIO. Quando omissione externa manet voluntaria in causa, peccatur eo quoque tempore, quo sit omissione præcepti, non obstante impotentia implendi præceptum, v.g. per somnum vel ebrietatem.

4. Authoritas D. Thomæ q. 76. a. 2. ad 3. dicentis: *Sicut in peccato transgressionis [h.e. commissione] peccatum non consistit in solo actu voluntatis, sed etiam in actu volito, qui est imperatus à voluntate; ita in peccato omissionis non solùm actus voluntatis est peccatum, sed etiam ipsa omissione, in quantum est qualiter voluntaria.* Et in 2. 2. q. 79. a. 3. habet: *Dicendum, quod omissione ei imputatur ad culpam, quando fuit tempus operandi, tamen propter causam precedenter, ex qua omissione redditur voluntaria.* Unde

5. Ratio conclusionis est primò. Ad peccatum sufficit voluntarium in causa: sed externa omissione prævisa in causa liberè posita est voluntarium in causa: ergo est peccatum. Ultraque præmissa constat à paritate aliorum peccatorum: nam & homicidium in ebrietate prævisum, & pollutio in somniis caufata per præcedentes impuras cogitationes sunt vera peccata.

Secundò. Qui Sacrum præceptum omittit in somno, cui se liberè tradidit, prævidens probabiliter in illo futuram omissionem Sacri, is peccat peccato externo omissionis: sed non peccat peccato formal & completo omissionis, quo tempore causam ponit, & se somno tradit: ergo illo tempore, quo Sacrum actu omittit. Major videtur certa, quia peccat contra præcepta affirmativum audiendi Sacrum, & tenetur in foro pœnitentiali se non de sola voluntate, vel posita causa omittendi, sed ipsa etiam omissione accu-

sare, & siqua censura actuali omissioni forejanexa, haud dubie illam incurriteret; sicut & beneficiarius tali modo omittens Breviarium tenetur ad restitutionem. Minor quoque probatur: quia pro illo tempore, quo causa omissionis ponitur, potius peccatur contra præceptum negatum non ponendi causam omissionis, quod virtualiter includitur in præcepto positivo audiendi Sacrum. Neque propter illius causa positionem posset in confessionali se accusare, quod Sacrum omisssus: ergo eo tempore non peccat formal & completo peccato omissionis. Unde S. D. Iac. proxime cit: *Si quis, inquit, per vim excitatus abstractus à somno compelletur audire Sacrum, non peccat peccato omissionis, id est, non incurrit pœnas, sique forent impostae omittentibus.*

Ratio est tertio. Si ipsa omissione Sacri, tempore somni liberè & cum prævisione secutur omissionis praesentis, non esset mala, neque voluntate omittendi esset mala: consequens est absurdum: ergo. Sequela probatur primò: quia voluntas, quæ non fertur in objectum malum, non est mala: sed per Adversarios ista omissione non esset mala: ergo neque voluntas omissionis. Secundò: quia desiderare tantum effectum aliquius peccati, non est malum: sed qui vellet omissionem Sacri præcepti caufatam in somno, justus adversarius tantum vellet effectum peccati: ergo illa voluntas non esset mala. Major probatur exemplis: quia licet mulier desiderare partus propter adulterium concepta, licet etiam desiderare effectum sanitatis & nutritionis è caribus comedis contra interdictum Ecclesie, quorum uterque effectus provenit ex causa peccatoris.

§. II.

Solvuntur Objections.

Objec. primò. In Clementi, si furioso, de homicidio, dicitur, quod homicidium factum à puer, furioso, infano, aut dormiente non inducat irregularitatem. Et de incestu Loth Patriarcha in ebrietate commissio dicitur: Aug. 1. 22. contra Faust. c. 24. *In ebrietate Loth filius ejus, & se neficiens miscerunt, quapropter culpandus est Loth, non tamen quoniam in incestu, sed quantum illa mereatur ebrietas.* Et quibus videtur inferri; id quod sit in somno aut ebrietate non esse peccatum, sed effectum peccati.

Respondeo, Clementinam loqui in causa homicidii non prævisi, adeoque nec in se, nec in causa voluntarii. Similiter Loth excusat peccato incestu, siquidem iste nullo modo fuit ab ipso prævisus.

Objec. secundò. Eo modo habetur ratio peccati, quo modo habetur ratio liberi & voluntatis, sed omissione non libera est & voluntaria in se, sed in causa: ergo pariter non est peccaminola in se, sed in sua causa.

Respond, datà, non concessa maj. dist. immediatè accepta à voluntate, concedo; non est libera in se, h.e. libertate nec mediata in se, sed voluntà, nego. ergo non est peccaminola in se, quia ratione peccati immediate accepta concedo; sed mediata in se recepta, nego consequent. *Pisc.*